

卅六

卷六

抄

蒙古象教志序

龔鞏祚

夫染衣出家沙彌之律也肉食不淨大慧之聞也諸
 肉勿食泥洹之訓也讚歎毀戒波旬之徒也然其生
 於邊地不生地穀以畜牧為耕作以血肉為饗飣宗
 教既黃相沿已久有乖壞色之訓聊別白衣之傳戒
 或遮之教必諒之蒙古五十一旗及喀爾喀四部皆
 宗黃教黃教之祖曰宗喀巴若具云者租卡巴羅
烏鞏阿阿鄂
 補阿昂查克阿也阿也自稱文殊師利之瑚必勒罕生于
 額納特珂克地而唐古特庫車淖爾四衛拉特之地

遍相宗祖其法嗣之派繁衍難備述述兩大支曰在藏坐牀者曰到蒙古住持者在藏坐牀者又分兩支宗喀巴第一弟子曰根敦珠巴實弟五十四輩之達賴喇嘛是爲舍位出家之第一輩遞傳至七輩噶爾藏加莫磋當準噶爾擾藏時 聖祖救其亂噶爾藏加莫磋避至青海坐牀 聖祖送之俾歸于藏至今傳付不絕皆以其呼必勒罕爲之此一支也第二弟子號爲班禪額爾德尼名曰刻珠尼曲結若具云者刻珠尼馬曲結嘉勒布格爾也至第四輩名羅卜藏

曲結嘉勒燦者始與蒙古通自蒙古至 盛京受我太宗皇帝冊封歸死後其瑚必勒罕遂有喀木之地又九傳矣此一支也兩支外又有兩小支一曰紅帽噶瑪巴一曰黑帽沙瑪納皆稱呼圖克圖避達賴班禪位號沙瑪納呼圖克圖之後日就衰滅噶瑪巴之後近世有林沁班珠爾者稱沙布隴於庫車淖爾爲庫車淖爾察罕諾門之屬僧則並不敢號呼圖克圖矣其來蒙古住持者又分三支最先者曰帕克巴巴喇密特是其道北行之始凡六傳至元順帝時阿

難達瑪第喇嘛與帝爭政事怒而歸于唐古忒中絕
凡八九十年而索諾木札木蘇重至又十餘傳至邁
達哩止爲一支宗喀巴有弟三傳嫡嗣曰蘇爾第其
瑚畢勒罕託生喀爾喀地方稱哲卜尊丹巴呼圖克
圖又兩傳進丹舒克於世祖朝至今凡十六次瑚
必勒罕號位亞於西藏之達賴而幾與班禪埒又一
支也康熙間有喇嘛章佳胡圖克圖自藏來朝其人
乃是第六輩達賴羅卜藏札木蘇之支嗣 聖祖優
禮之命其住持于多倫諾爾之彙宗寺其第二次瑚

必勒罕 世宗優禮之命其住持多倫諾爾之善因
寺其第三次瑚必勒罕賜對 高宗朝大加獎異命
其來京更定大藏經咒應真名號乃取自後漢至唐
各譯主所譯悉以今藏語更校成又以其國首楞嚴
已亡借此土本四譯而歸又佐莊親王辦理同文韻
統於四十一年跌逝京師今又再瑚必勒罕矣是最
盛而最後出又一支也五支之徒其論輪迴因果報
應與古德神不滅論合其論劫初形狀天地衆生日
月種種成立種種出生次序與樓炭經合其書與符

印明合其念咒與聲明合自漢以來譯經之例例不
翻咒疏抄之例亦不妄釋咒是密語咒是秘印佛無
秘密義有秘密語既不譯不疏徒恃音準音若不準
妙陀羅尼雖誠求之亦恐迂寫矣今按自修多羅至
優波提舍各有神咒小者取用禁制神鬼作諸幻術
大乘之咒三世諸佛由此出興不可思議具如首楞
嚴說且凡外道六師亦能幻出宮殿天龍女樂大火
大水乃至幻一日演成極長幻長曰促成刹那境界
種種靈怪咒聲靈故符佛口故又凡人世所求年命

宮殿天龍女樂

長日促成刹那

日

撒

于拉撒視

一門而非

校校
校校

五欲誦咒皆得咒聲靈故符佛口故以上之事天竺
神僧生于拉撒視為固然即蒙古道高喇嘛尚能近
似而此震且耳根非劣耳識非殊雖有高僧不臻神
悟故撰象教志專以推尊因明門中聲明一門而非
讚歎夫食肉衣黃墮邪師見也

梁章鉅南省公餘錄達賴喇嘛居前藏曰布達拉
漢語為普陀宗乘之廟班禪額爾德尼居後藏曰
札什倫布漢語為須彌福壽之廟今熱河所建二
廟即規仿西藏為之 喇嘛中又有所謂紅教者

黃教專以善道化人使勉忠孝息爭競達賴喇嘛
及大呼土克圖皆以此見重於諸部也紅教則有
術能召風雨并咒人至死平西陲後嘗取準夷之
習此術者入內地令之祈晴雨亦有小驗然其教
不甚行 國家加禮於呼土克圖亦緣西北諸部
習尚如是故因其俗以鎮撫之然西藏路遠各部
不能遠叅者則各有呼土克圖掌佛教於國中大
者其王亦執禮惟謹小亦各嚴重於一方呼土克
圖出行無不膜拜道旁以金寶戴於首獻之但得

凡爲喇嘛者諸番

穹廬與居宰羊

喇嘛出諭遂

諭

其一摩頂便以爲有福歡喜無量並不呼土克
圖也卽凡爲喇嘛者諸番亦無不尊奉之所至讓
穹廬與居宰羊馬奉鬪酪夜則妻妾子女惟所欲
謂之供養惟恐不得當其俗如是雖愚而可憫然
國家之加意優待亦有時竟得其用如乾隆十
五年西藏王朱爾墨特那木札爾有異志駐藏大
臣傅清及拉布敦誘而手刃之其番衆咸挺而爲
亂達賴喇嘛出諭遂止三十一年喀爾喀部青滾
雜卜斷驛道而叛鄰部將應之其地有哲卜尊丹

有章嘉呼

其車直入東

巴呼土克圖休於定邊將軍之言獨不從亂遂皆
 戢其明驗也乾隆中有章嘉呼土克圖來京師
 上稱之為國師居旃檀寺每元旦入朝坐黃幃車
 所過爭以手帕鋪道伺其輪壓而過則以為有福
 其車直入東華門蓋尊寵章嘉正所以帖服外夷
 乃長駕遠馭之深意趙甌北嘗及見章嘉顏狀殊
 醜劣行步需人扶掖然蒙古經及中土大藏佛經
 皆能背誦如瓶瀉水汪文端公由敦嘗叩一佛事
 輒答以某經某卷檢之果不差則其人亦未可輕

量矣 尙有一條已見退庵隨

校

魏源聖武記西藏古吐蕃元明為烏斯藏其人則
 謂之唐古特亦曰土伯特其地分三部曰康即四
 川打箭爐外巴塘察木多之地為前藏亦曰喀木曰衛
 即布達拉及大招寺本吐蕃建牙之所今達賴居

之為中藏布達拉華言普陀宗乘也曰藏即扎什倫布本拉藏

所治今班禪居之為後藏扎什倫布華言吉祥山也以山得名又並

極西之阿里則稱四部云北界河源河源上出回部重出于西

寧皆與藏地北界相連南界大金沙江雅魯藏布江橫亘于三藏之南即大金沙

有章嘉呼

其車直入東

正說錄

巴呼土克圖休於定邊將軍之言獨不從亂遂皆
 戢其明驗也乾隆中有章嘉呼土克圖來京師
 上稱之為國師居旃檀寺每元旦入朝坐黃轎車
 所過爭以手帕鋪道伺其輪壓而過則以為有福
 其車直入東華門蓋尊寵章嘉正所以帖服外夷
 乃長駕遠馭之深意趙甌北嘗及見章嘉顏狀殊
 醜劣行步需人扶掖然蒙古經及中土大藏佛經
 皆能背誦如瓶瀉水汪文端公由敦嘗叩一佛事
 輒答以某經某卷檢之果不差則其人亦未可輕

西藏源流

校

量矣

魏源聖武記西藏古吐蕃元明為烏斯藏其人則
 謂之唐古特亦曰土伯特其地分三部曰康即四
 川打箭爐外巴塘察木多之地為前藏亦曰喀木曰衛
 即布達拉及大招寺本吐蕃建牙之所今達賴居
 之為中藏布達拉華言普陀宗乘也曰藏即扎什倫布本拉藏
 所治今班禪居之為後藏扎什倫布華言吉祥山也以山得名又並
 極西之阿里則稱四部云北界河源河源上出回部重出于西
 寧皆與藏地南界大金沙江雅魯藏布江橫亘于三藏之南即大金沙
 北界相連

正說錄象教序

六

注

江上游也下游由緬甸入南海視岷江上游之小金沙江廣闊數倍或云即黑水而三藏即三危其以怒江為三藏雪嶺為岡底斯山在東南界者非也西距雪嶺阿里即葱嶺之南幹

西六千餘里南北五千餘里距京師萬有四千餘里由川陝滇入藏有三路皆先至前藏而後西至

中藏又西至後藏又最西至阿里云在五竺之

東非古佛國也而距天竺較近阿里南二千餘里入額訥特珂克境

即中印度故經教至多持陀羅尼尤驗多僧無城郭僧

居士臺者皆持戒律不持戒者居士臺外自唐太

宗以文成公主下嫁吐番贊普好佛立寺廟西藏

始通於中國元世祖封西番高僧八思巴為帝師

大寶法王以領其地後嗣世襲其號而西藏始為

釋教宗主元史釋老傳八思巴者土番人生七歲誦經典數十萬言能通大義國人稱曰

神童年十有五謁世祖潛邸即位尊為國師命製蒙古新字字僅千餘凡四十一母頒行天下今後

藏薩迦有刺麻即元帝師後人為紅教之宗明洪

武初太祖以西番地曠人悍欲綑其勢而分其力

故凡元代法王國師後人來朝貢者輒因其故俗

許其世襲以化獷俗尊中國永樂初成祖則兼崇

其教聞西僧哈立麻有道術國人稱曰尙師遣使

迎至京師爲高帝后薦福於靈國寺有卿雲甘露
青鳥白象之祥封大寶法王西天大善自在佛其
徒三人皆封國師其後又封大乘大慈二法王禮
之亞于大寶于是其徒爭來朝貢輻輳京師所封
有闡化闡教輔教護教贊善五王又授西天佛子
者二灌頂大國師者九灌頂國師者十有八法王
等死其徒輒自相承襲歲一朝貢略與土司等嗜
茶貪貢市冀保世職故終明世無西番患然皆紅
教非黃教其黃教宗祖則創于宗喀巴

一名羅卜
藏札克巴

以永樂十五年生于西寧衛得道于西藏之甘丹
寺成化十四年示寂初明代諸法王皆賜紅綺禪
衣本印度袈裟舊式也其後紅教專持密呪流弊
至以吞刀吐火炫俗無異師巫盡失戒定慧宗旨
宗喀巴初習紅教既深觀時數當改立教卽會衆
自黃其衣冠遺囑二大弟子世世以呼畢勒罕轉
生演大乘教呼畢勒罕者華言化身也二弟子一

曰達賴刺麻一曰班禪刺麻刺麻者華言無上也

今俗加口旁曰喇嘛其班禪又稱額爾德尼相傳
達賴爲觀音分體之光班禪爲金剛化身在印度

已轉生數十世其說不可得詳云

皆死而不失其通自

知所往生其弟子輒迎而立之常在輪回本性不昧故達賴

班禪易世互相為師其教皆重見性度生斥聲聞

小乘及幻術下乘當明中葉已遠出紅教上未嘗

受封于中國中國亦莫之知也達賴一世曰敦根

珠巴者即贊普之裔世為番王至是舍位出家亦

名羅倫嘉穆錯嗣宗喀巴法傳衣鉢始以法王兼

藏王事其二世曰根敦嘉穆錯者自置第巴等代

理兵刑賦稅其弟子稱胡土克圖則分掌教化當

客巴法傳

明正德時始以活佛聞于中國武宗遣中使率將

校十人士千人迎之達賴不願行國人匿之將士

欲威以兵為番人所敗遁還而武宗崩世宗立果

盡斥遣番僧繼又崇道教不信佛人始以達賴之

不欲行為有前知焉二世曰鎖南嘉穆錯明史所

稱鎖南堅錯也名益著青海河套諸蒙古罔不嚮

服順義王俺荅躬入藏迎至青海建仰華寺奉之

大會諸部飲長生水鎖南堅錯戒其好殺勸令東

還而俺荅亦勸其通中國乃自甘州遣大學士張

居正書自稱釋迦牟尼比邱中國始知有活佛其人實得禪定慈忍淵默雖具他心宿命通而不自耀于是紅教中大寶大乘諸法王亦皆俯首稱弟子改從黃教化行諸部東西數萬里熬茶膜拜視若天神諸番王徒擁虛位不復能施其號令傳至第四世曰雲丹嘉穆錯生蒙古圖古隆汗族十四歲入藏坐牀二十八歲示寂故事蹟不著然河套青海蒙古守其戒不敢鈔掠西邊安枕者五十餘年第五世曰羅卜藏嘉穆錯當我 太宗文皇帝

崇德二年喀爾喀三汗奏請發帑使延達賴刺麻四年因厄魯特使貽達賴書于是達賴班禪及藏巴汗青海固始汗聞我 朝興東土各報使繞塞外數萬里以崇德七年至 盛京奉書及方物約共行善事并獻卦驗知必當一統明年遣使存問達賴班禪稱爲金剛大士是爲我 朝通西藏之始順治初天下混一達賴班禪及固始汗復各遣使獻金佛念珠表頌功德 詔賚甲冑弓矢皮幣并遣使迓達賴九年冬至京師 世祖賓之于太

和殿建西黃寺居之及行餞之南苑德壽寺授金冊印封西天大善自在佛領天下釋教普通鄂濟達賴刺麻 命和碩親王碩塞以八旗兵送之初唐古特有四部東曰喀木曰青海西曰衛曰藏固始汗者本厄魯特部于明季吞并東二部以青海地廣令子孫游牧而喀木輸其賦其衛地則第巴奉達賴居之藏地則藏巴汗居之第巴曰桑結者與藏巴汗不相能謂拉藏虐部衆毀黃教乞師于固始汗翦滅之以其地居班禪與達賴分主二藏

盡逐紅帽花帽諸法王事在崇德十年于是紅教益微并不足爲黃教之細康熙二十一年第五世達賴卒第巴欲專國事秘不發喪僞言達賴入定居高閣不見人凡事傳達賴命行之旣祖準噶爾以殘喀爾喀蒙古復陵準噶爾以鬪中國又外搆策妄內閱拉藏汗遂招準兵寇藏之禍凡西北擾攘數十年皆第巴一人所致噶爾丹者亦四厄魯特之一曾入藏爲刺麻與第巴相暱歸篡其汗自言受達賴封爲準噶爾博碩克圖汗又喀爾喀蒙

古自 國初以入藏隔于厄魯特乃自奉宗喀巴
第三弟子哲卜尊丹巴之後身爲大胡土克圖位
與班禪相亞凡數十年矣至是喀部車臣汗與土
謝圖汗交惡構兵 聖祖遣使約達賴和解之第
巴奏使噶爾丹西勒圖往蒙古謂刺麻坐牀者爲
西勒圖蓋達賴大弟子也而喀部哲卜尊丹巴亦
奉 詔莅盟壇與西勒圖並坐噶爾丹使其族人
隨之觀釁因責喀部待達賴使無加禮詬責之爲
上謝圖汗所殺噶爾丹遂以報讐爲名襲侵其部

喀爾喀東走 聖祖申命達賴遣使罷兵第巴使
濟隆胡土克圖往反陰嗾之二十九年遂入寇漠
南我兵敗之烏闌布通噶爾丹託濟隆代乞和頂
佛立誓而遁第巴內慚三十三年達賴刺麻入貢
言已年邁國事決第巴乞錫之封爵 詔封第巴
桑結爲土伯特國王三十五年 聖祖親征噶爾
丹至克魯倫河噶爾丹敗竄慰其部下曰此行非
我意乃達賴刺麻使言南征大吉是以深入也

上謂達賴存必無是事乃遣使賜第巴桑結書第

正訛錄

巴桑結皇恐明年密奏言為衆生不幸第五世達

賴刺麻于壬戌年示寂轉生靜體今十五歲矣前

恐唐古特民人生變故未發喪今當以丑年十月

二十五日出定坐牀求 大皇帝勿宣泄

西藏不紀天干

惟以地支所屬紀年亦以十二月為一歲以寅為正月仍有閏月但與中國閏不同如雍正十年壬

子閏五月其地閏正月雍正十三年乙卯閏四月其地于甲寅年閏七月更有閏日而無小建假如

閏初二則初一日後即初三日無初二矣每月必有初一十五三十而閏日則但于其中間摘去一

二日 至班禪因未出痘不敢至京濟隆當竭力致

之京師乞全其身命戒體並封進達賴臨終牀簣

尸鹽拌像 上許為秘之待十月宣示內外而第

巴使者歸途遇策妄那布坦會禽噶爾丹之兵復

宣言達賴已厭世爾部落兵毋得妄行策妄哭而

歸 上以第巴始終反覆持兩端乃追還其使傳

集各蒙古宣示密封則像首已墮第巴使驚仆于

地第巴忌策妄盡收準部故地致噶爾丹無所歸

奏防其猖獗而策妄亦奏第巴奸譎及所立新達

賴之偽欲藉詞侵藏 上以二人皆叵測不之許

也 策妄疏曰藏中舊例以能掌教者傳之掌教自宗門以來普通菩薩海潮大士無不如是達賴

三宜象教序

十三

圓寂之後第巴匿之不宜舍正傳之聖徒班禪而
自尊其身別奉紅教刺麻謂卽達賴化身詐傳法
旨擾亂諸部此青海諸台吉所共知請明正其罪
云云案普通乃前輩達賴之別號海潮乃前輩班
禪之號也四十四年第巴謀毒拉藏汗不遂欲以兵逐

之拉藏汗集衆討誅第巴 詔封拉藏翊法恭順

汗拉藏汗者青海固始汗之孫也固始汗旣以衛
藏爲達賴班禪香火地留其長子鄂齊爾汗轄其
衆次子達賚巴圖爾台吉佐之固始汗卒于順治
十三年鄂齊爾汗卒于康熙九年達賚汗卒于三
十六年拉藏汗嗣爵後以議立新達賴刺麻故與

第巴交惡至是奏廢第巴所立假達賴 詔執獻

京師行至青海病死

卽方略所云策妄那布坦遣使爭迎之而拉藏不遣者也

而藏中所立博克達山之伊西嘉穆錯爲第六世
達賴刺麻者青海諸蒙古復不信之而別奉裏塘
之噶爾藏嘉穆錯爲眞達賴以康熙四十七年轉
生二歲著靈異至是十歲矣諸蒙古迎至青海坐
牀請賜冊印與藏中所奏互相是非 上恐其構
釁 詔暫居西寧紅山寺旋移塔爾寺塔爾寺者
西寧衛城西南四十里之塔山宗喀巴瘞胞衣地

黃教祖寺也青海周數百里十三峰環繞之海中

有二島人迹不至

即唐時所謂龍駒島

番僧習禪定者于冰

合時裹一歲糧休焉往往出異僧故青海佛法與

西藏相亞兩部爭議未決而策妄擾藏之事起初

策妄那布坦取拉藏之姊而贅其子丹衷于伊犁

不令歸五十六年策妄遣精兵以送丹衷夫婦歸

藏為名執殺拉藏汗虜其妻子搜各廟重器送伊

犁禁新達賴刺麻于札克布里廟

詔以軍數千

赴援青海蒙古皆憚進藏奏言達賴刺麻可隨地

札

刺麻于札克布

安禪免王師遠涉之勞而王大臣亦皆言藏地險

遠不決進兵議

上以西藏屏蔽青海滇蜀苟準

夷盜據將邊無寧日五十七年

命兩路擣藏至

是西藏諸土伯特亦知青海呼畢勒罕之真藏中

所舊立之贗合詞請于

朝乞擁置禪榻

詔許

給冊印于是蒙古汗王貝勒台吉各自率所部兵

或數千或數百于五十九年春隨大兵扈從達賴

刺麻入藏厄魯特大潰不敢歸藏還伊犁

詔加

封宏法覺眾第六世達賴刺麻于九月登座取拉

藏所立博克達刺麻歸京師盡誅厄魯特刺麻之助逆者蓋自第五世達賴卒後三十餘年兩立假刺麻西陲俶擾至是始定焉論者謂達摩創法震旦有一花五葉之讖至六世果以衣鉢啟爭故六祖不復傳衣鉢與宗喀巴至第六世達賴之事若一轍松筠綬服紀略曰紅教刺麻最尊者為薩迦呼士克圖即元帝師帕斯巴刺麻之後也在札什倫布之西宗喀巴初年亦學經於薩迦廟本出一源及學成乃自立宗余巡邊見薩迦呼士克圖詢其經典悉同黃教其僧亦無眷屬惟薩迦呼士克圖有妻室僅朔望相見餘時不往來祇為生子龔衣鉢計其經典皆來自大西天大西天有巴特瑪薩木巴瓦者唐時到藏傳教為紅教之祖乾

隆五十四年駐藏大臣舒濂曾覆奏薩迦本同黃教情形余詢之達賴班禪兩刺麻及濟隴第穆等皆同此說故青海蒙古及巴塘裏塘番眾凡崇信黃教者亦皆敬薩迦如達賴班禪蓋紅黃二教本同其近日邪術之紅教乃紅教之末失非薩迦廟之本宗也其與黃教異者一則衣冠異色二則呪語稍別三則傳子與轉生不同如斯而已又言康熙中喀部為準部所攻破集眾議投鄂羅斯與投中國孰利哲卜尊丹巴刺麻曰鄂羅斯持教衣冠俱不同必以我為異類宜投中國與黃教之地遂定計

東向 初雍正元年哲卜尊丹巴胡土克圖自喀

爾喀部來朝卒于京師年九十矣後五年喀爾喀

奏胡土克圖呼畢勒罕轉生于庫倫 詔賜金十

萬造寺以綏喀爾喀之眾又為駐京之章嘉胡土

克圖後身造寺于多倫泊以綏內蒙古之衆章嘉
者 上在雍邸時所從咨佛法者也準噶爾策妄
死子策楞立請赴藏煎茶又聲言欲送還所虜拉
藏汗二子 詔移達賴刺麻于西裏塘之惠遠廟
以避準噶爾蓋從準入藏之路有三其極西由葉
爾羌至阿里中隔大山迂遠易預備其東路之喀
喇河又有青海蒙古隔之惟中路之騰格里海偏
近衛地故防守尤要十二年準噶爾請和 詔章
嘉胡土克圖赴川送達賴由泰寧歸藏其哲卜尊

丹巴于九年移多倫泊以避準噶爾者至是亦返

庫倫章嘉爲達賴刺麻請巴塘裏塘地還前藏乾隆

廿二年蕩平伊犁藏地始永無準夷患是年第六

世達賴刺麻亦卒初厄魯特世濟其凶亦名扶黃

教自固始汗卽以此據衛藏雄諸部及噶爾丹自

藏歸稱受博碩克圖汗之封于達賴策妄拉布坦

破藏歸復稱受寶權大慶王之封于僞達賴皆鑄

鐵章梵文以賜于是立固爾札廟于伊犁河北立

海努克廟于河南取所掠藏中供器實之飯厄魯

章梵文以賜

以

正言錄
特刺麻六千餘供養以九集賽萬六百戶其大刺
麻坐牀者四人曰西勒圖其誦經室曰都綱藩剌
螺唄幾埒西藏策妄及噶爾丹及那木札爾三世
嗣位皆請赴藏熬茶諷經每次費二十餘萬 朝
廷亦賜茶葉香帕以助其施達爾札達瓦齊之得
立及與阿睦爾撒納之構釁皆伊犁刺麻爲之阿
睦爾撒納從王師定伊犁即使人赴藏熬茶祝已
得總四部時當振興黃教又使固爾札廟刺麻請
將軍必使己主伊犁叛後故 御撰平定準部碑

云其口奉佛其心乃如夜叉羅刹之食人其所奉
刺麻亦類以淫殺爲佛事與青海一轍、王師再
至伊犁遙望火光燭天則固爾札廟災刺麻皆焦
土與崇奉刺麻之熬酋同歸一劫亦黃教一大變
局也第七世達賴刺麻年二十二歲尙未受封至
是班禪卒乃封達賴以綏唐古特之衆仲巴呼圖
者班禪刺麻之兄也爲班禪治商上事遂盡有其
財雖其弟舍瑪爾巴亦以習紅教不得分惠又衛
藏數千里番騎萬有四千番步兵五萬皆達賴所

二言金
轄班禪惟住持寺廟不轄地故于達賴所屬之戴
喇嘛巴等及守後藏之唐古特兵皆外視之一無
施子于是舍瑪爾巴垂涎不遂憤唆廓爾喀引之
入寇時達賴刺麻年少不知調度唐古特兵于是
廓爾喀無忌飽颺而去五十六年復深入福康安
海蘭察大舉討平之其惑衆倡逃之刺麻濟仲等
剝黃伏法仲巴禽至京師治罪而紅教之沙瑪爾
巴亦檄賊獻其尸自元明以來未有以齊民治番
僧如今日者初達賴刺麻之呼畢勒罕一世二世

出後藏三世出前藏四世出蒙古五世出前藏六
世出裏塘皆非一地一族班禪及各大呼圖克圖
亦然至乾隆末而各大刺麻類多兄弟叔姪且多
出蒙古汗王貝勒子弟甚至哲卜尊丹巴示寂適
土舍圖汗之福晉有妊衆卽指爲呼畢勒罕及彌
月竟生一女尤貽口實漸損蒙古之敬信蓋宗喀
巴經言達賴班禪六世後不復再來故後此登座
者無復眞觀密諦祇憑垂仲降神指示垂仲者猶
內地之師巫也又達賴班禪親族多營爲大胡土

克圖以專財利致有仲巴兄弟誨盜之禍 上久
悉其弊欲革之而未有會也乘用兵之後特運神
斷創頒金奔巴瓶一供于中藏之大招寺遇有呼
畢勒罕出世互報差異者納籤瓶中誦經降神大
臣會同達賴班禪于宗喀巴前掣之而各札薩克
蒙古所奉之胡圖克圖其呼畢勒罕將出世亦報
名理藩院與住京之章嘉胡圖克圖掣之瓶供雍
和宮尤元明以來所未有章嘉胡圖克圖者其先
于康熙中自藏來朝乃第五輩達賴之大弟子也

聖祖優禮之命住持蒙古多倫泊之彙宗寺章
嘉通宗乘爲 世宗藩邸時所敬逮其第二世呼
畢勒罕轉生于多倫泊 詔造善因寺居之 高
宗朝奉詔來京師審定大藏經呪奏言其國五百
年前有狼達爾瑪汗者滅法毀教其後諸高僧補
綴未全首楞嚴經已佚借此土本四譯而歸又佐
莊親王修同文韻統于四十一年跌逝京師是爲
黃教第四支與哲卜尊丹巴一支皆住持蒙古亞
于達賴班禪二支而藏中之紅帽十三支黑帽數

法有日

曰

小支則不暇詳述云凡駐京刺麻于雍和宮中正殿養心殿圓明園香山昭廟及各大寺所誦之經有吉祥天母經大游戲經龍王水經刺麻供獻經長壽佛壇城經尊勝佛母壇城經大怖畏壇城經釋迦佛壇城經清淨經斗母經沐浴經寶匣經時輪王佛經上樂王佛經十六羅漢經救度佛母經財寶天王經秘密經毘盧佛壇城經其作法有日跳布札有日放烏卜藏多與中國僧綜計刺麻之能以神識轉生于世出呼畢不同

勒罕入理藩院冊者西藏號呼圖克圖者十有八號沙布隆者十有二漠北蒙古十有九漠南蒙古五十有七青海番地三十有五四川察木多番地五又駐京呼圖克圖十有四共呼畢勒罕百有六

格為破格凡

十惟青海諾們汗一支久同世襲許以親族入籤又嘉慶十三年第八世達賴刺麻之呼畢勒罕靈徵眾著由駐藏大臣奏聞請旨不復瓶掣是二者為破格凡刺麻朝貢除達賴班禪哲卜尊丹巴三人歲遣貢使不列年班外其餘大刺麻駐漠南北蒙古各部者班六每歲一至岷州刺麻班四三歲一至其駐京刺麻或在京掌教或赴藏辨事或分駐盛京熱河多倫泊五臺山或派往伊犁及四川之懋功寺分闡黃教三歲而更代 佛法出五印

要惟勻

度更在烏斯藏西逾葱嶺越廓爾喀其水爲恒河西南流入海今通互市之南洋孟買孟加臘等國卽南印度其海名印度海者是也烏斯藏則在葱嶺之東水皆東流故唐以前羅什元奘譯經皆從涼州西出陽關玉門達摩諸高僧又至自南海皆不經藏地西藏誠非古佛國而自元明以來佛教則衛藏爲盛其始不過內受冊封師弟相嗣至宗喀巴崛起不藉中朝封號而夙出諸大法王上兼以修夙命通化身轉世爲神奇西北諸行國常

一
行國常

視爲嚮背中國常用爲銜勒亦佛法因緣有時會興廢非人力歟夫大雄涅槃不聞轉世卽宗喀巴經亦言達賴班禪轉生止于六世自後不復再來今之黃教非昔之黃教尤非古之釋教宜若可以已焉然葱嶺以東惟回部諸城郭國自爲教外其土伯特四部青海二十九旗厄魯特汗王各旗喀爾喀八十二旗蒙古游牧五十九旗滇蜀邊番數十土司皆黃教使無世世轉生之呼畢勒罕以鎮服僧俗則數百萬衆必互相雄長狼性野心且決

驟而不可制南北朝時西域數十國迎法師求舍利動至兵爭爲部落安危所係蓋邊方好殺而佛戒殺且神異能降服其心此非堯舜周孔之教所能馴也 高宗神聖百族稟命 詔達賴班禪兩汗僧當世世永生西土維持教化故衛藏安而西北之邊境安黃教服而準蒙之番民皆服 西藏非佛國也而不可謂非異境全藏所轄六十八城衛地三十藏地十八喀木九阿里十二所謂城者則官舍民居塹山建礮之謂量地小大人衆寡各

設宗布木以理民設丁布木以理兵民居礮房其游牧之番及蒙古則居黑帳至其衣氊毳食湏酪仰茶忌痘則藏民所同似游牧非游牧似城郭非

城郭介居國行國之間是俗一異

又有稱營者前藏大營十中營

四十有三小營二十有五邊營十有四後藏大營三中營十有四小營十有五每營設官一二以理各寨達賴刺麻所轄寺廟三千百有五十餘所刺

番民 麻三十萬二千五百有奇百姓十有二萬千四百三十八戶班禪所轄寺廟三百二十七所刺麻萬有三千七百有奇百姓六千七百五十二戶

據乾隆二

年理藩
院造冊

其刺麻稱胡土克圖者不可勝數皆同土

司各轄番民不設官吏僧多于民君并於師介出家在家之間則俗又一異藏地萬峰刺天高輒冰凌窪輒燠溽十里殊裘葛其曠坦數百里四山環衛如城無嚴寒無酷暑者惟布達拉一區其土膏衍其人秀好其音華夏故吐番贊普都之以鞭撻四夷抗衡上國而宗喀巴卓錫後數萬里蒙古厄魯特喀爾喀奔走其號令若驅攝于靈奇磅礴之中則天時地利又一異康熙五十九年遣理藩院

主事勝住僧刺麻楚爾沁等往圖徼外山川以阿里西二百餘里之岡底斯山爲天下大幹宗祖岡底斯者葱嶺之南幹除北條黃河之內而外凡南條之水若大小金沙江若瀾滄江若怒江

亦作潞江若

岷江無一不源于西藏者故說禹貢者或以三藏卽三危而入南海之江卽黑水云布達拉山者華言普陀宗乘也釋典言普陀有三一在天竺南海中一在中國浙江定海一在西藏平地連矗二峰高百餘丈其一達賴居之其一爲高行刺麻靜修

之所其達賴所居因山勢邈迤叠竝而成樓十有

三重高三十六丈七尺有八寸上有金殿三金塔五僧舍萬餘

間金玉銀銅佛像無數歷代寶器充物耀日皆創

建于唐時贊普而歷輩達賴與藏巴汗重葺之西

殿則宗喀巴遺蹟在焉有手足印在黃酥油上其久而不渝番民所頂禮

刺麻所居一峰即招拉筆洞山顛建寺形如磨盤

下瞰藏江山後又有池周四里中壘土而亭其上

高四重瓦以琉璃皮船渡之為達賴刺麻習靜之所拱以

羣山匯以三江即金沙江上游捍隄三十餘里

居民夾岸而梁其上每歲首諸刺麻聚大招寺諷經畢即共增隄石一層刺麻

終歲惟此一從也山之東五里為大小招寺皆唐公主所

建西番謂廟曰招猶言大寺小寺也大寺西向志在西方小寺東向思中上也大招高

樓四重殿宇闌干皆銅鑲金左廊有贊普及公主

及白布國王女塑像其內神佛萬計釭酥為燈殿

門外有長慶中唐蕃和盟碑旁有唐柳鬱若龍蚪

舊制藏中有公事則駐藏大臣會諸貝子及大刺

麻于大招寺議之近始議于公署小招寺規制亞

之大招寺供釋迦牟尼佛乃唐公主鑄自中國請來西藏者小招寺所供珠吉多佛其座額書寂

招寺規制亞

規

默能仁則亦釋迦像也而世俗妄傳大招寺像乃
白布國王女成佛小招寺佛即公主侍女成佛直
委巷之談而西藏記等書皆載其說不足辯也

大小招寺在喇薩城為西

藏諸城之首喇薩者華言佛地也又南七里為札

什城駐藏漢兵居焉又有白蚌甘丹色臘桑鵝四

大寺遠近拱挹寺中刺麻多者五千餘次者二三

千而甘丹寺距布達拉八十里則宗喀巴成道之

所有遺塔及所坐禪榻以十月二十五日為成道

如之期是夕萬戶然燈光明而宗角園卡契園經園諸勝錯落其間經園者

書造貝葉梵經頒行各地番僧蒙古僧習學藏經者亦居

其間此外諸園或為達賴班禪來往停驂飲茶之

所或在滂湖樹林遇節期則達賴升坐講甘珠爾

內為避暑之所經丹珠爾經二經乃西藏大乘圓聽膜拜千計不

時赴各大寺講經律遠者歲一至焉達賴所坐疊

為高座番民得其一磨頂一擊拂者如不世之遇梵唄徹山谷莊嚴窮七

寶為西方極勝之區而班禪所居札什倫布寺次

之距布達拉寺七百餘里倚山面江氣勢雄闊其遠近瞻禮受法傳戒亦與布達拉等其大

刺麻學道能轉世者則達賴班禪印證之得為胡

土克圖分掌教化猶華言再來人明史所謂尙師

也其秩有國師禪師及札薩克大刺麻等號分駐

各番蒙古部落而皆遙領于達賴班禪其兵刑賦稅則有第巴有噶布倫有戴喇有堪布有商上等分掌之番民病故後所有之財半供達賴刺麻半施各寺諷經追薦故國中布施多干賦稅其外夷則有西南布魯克二部世傳紅教亦轄五十城四萬餘戶寺廟百有二十刺麻二萬五千餘天時物產勝西藏頗類中土南行月餘即天竺界惟番僧往來漢民罕至也又西南有巴爾布三部共五萬四千餘戶于雍正間內附乾隆間并爲廓爾喀其

貢皆附西藏以達京師

其陝川滇入藏三路雲南中甸之路巘峻重阻故軍

行皆由四川青海二路而青海出河源之西又不
如打箭爐內皆腹地外環土司故駐藏大臣以四
川爲正驛而互市與貢道亦皆在打箭爐中國赴
天竺佛國亦有兩道一自雲南騰越州而南由緬
甸城轉西至東天竺一自雲南麗江而西進藏至
東天竺惟東天竺即今南洋孟如臘地爲西洋英
吉利所據已不興佛教專產鴉片 梁章鉅隨筆
乾隆庚子歲二藏活佛來朝供帳極一時之盛所
過境內有司奔走恐後儲待惟恐不周老弱男婦
環擁蹶趨而頂禮者如恒河沙數佛軀幹豐偉方
口重頤兩耳及肩笑容可掬儼世所塑布袋和尚
狀時方盛夏所乘輿上有片雲覆之而行每風來
塵土漲天衆咸叩頭請雨譯者代白輒見其一手
疊訣口喃喃作咒倏爾雲色油油雨絲飄颺旋即
晴霽灑塵而已不能久也或億兆環繞道邊不行
忽如大笑聲如洪濤歎欲大衆不覺一時頓首伏

过校

地道乃劃然中分輿去如飛愚婦子旋即飛行追尾俄復圍合不能禁也至京居 雍和宮來謁者日以千計跪而趨前自摘其帽佛俯身摩其頂有摩而笑者有摩而閉目掩口者有摩而側首旁睨者各示區別受者無不歡喜作禮而去京城內外僧衆無遠近無老幼咸來參謁五體投地佛乃高坐踟躕無少動也有淮陽僧號達天者飲酒食肉如常人獨不往或怪之曰彼夷僧我 天朝法侶也若且伏我我豈爲若屈哉或不信於是偏袒杖錫往及門語門者云可傳語大師某來速出迎語入佛竟出僧曰若識我乎譯者轉告曰識得曰既識何弗拜也佛遽拜之僧乃以錫卓地大言曰若本不合來而竟來吾恐隻履歸時未必肉身而西也譯者具以告佛竟投地不起僧乃杖錫出未幾佛竟以出痘死有好事撰一對云杳杳三魂活佛竟成死鬼迢迢萬里東來不見西歸時傳爲笑柄按宋元祐間高麗王棄家爲僧號義天航海至上疏乞徧歷叢林詔朝奉郎楊傑爲館伴使至吳中

諸刹皆飲餞如王臣禮獨金山僧了元高坐禪床受其展謁楊驚問了元曰若亦異國僧耳叢林規矩如是不可易如達天者古今人何必不相及哉又曰西番帕克巴爲元時高僧傳至宗喀巴爲黃教之祖有二大弟子曰達賴喇嘛曰班禪喇嘛達賴喇嘛位居首其名曰根敦珠巴次即班禪喇嘛其名曰凱珠布格乎克巴勒藏與達賴喇嘛遞相爲師以化身世掌黃教者也喇嘛二字卽如漢語稱僧爲上人喇嘛示寂後轉生爲呼必勒罕如漢語稱轉世化生人當呼必勒罕未出之前彼教於佛前誦經祈禱廣爲訪覓各指近似之幼孩於罕幼而習之長成乃稱呼土克圖以掌彼教蓋蒙古最尊奉彼教與黃教卽所以安衆蒙古行之既久亦遂有影射牟利任意妄指或至出於一族竟與世襲無異乾隆時朝廷洞鑒其私製金奔巴瓶送往西藏凡藏中有轉世之大呼必勒罕命衆舉數人名書其名置瓶中公掣以定其弊乃絕所謂

出校

修其教不易其俗齊其政不易其宜者也 俞正
變紅教黃教論西域佛分二教曹魏時譯七佛父
母姓字經有婆羅門種剃利種婆羅門佛後始衣壞
利佛衣紅剝利釋迦文佛繼婆羅門佛後始衣壞
色紅衣經律所說則由閱世增飾隋譯佛本行集
經剃髮染衣品云獵服袈裟唐譯畧教戒經則作
染衣法苑珠林云袈裟秦言染衣是也蓋釋迦文
佛成道時其地方行第六佛教教師多衣黃佛自
染衣作壞紅色其徒眾從之佛本行經云佛為太
子時作瓶天子化作一人剃頭剪鬚衣色純赤不
同白衣在車前行乃剃利紅教之先兆魏書釋老
志云漢世沙門皆衣赤布後乃易以雜色牟融理
惑論云今沙門剃頭髮衣赤布謂漢時西僧依其
本法其後雜色則中土學佛者服也釋老志泰常
八年十月戊戌寇謙之得錄圖真經經云佛弟子
皆髡形染衣諸天衣服悉然是所見皆染衣法苑
珠林云宋費崇先見福遠寺欽尼容儀端嚴著赭
布袈裟是具儀必著赭唐支謙譯根本說一切有

部尼陀那云苾芻被盜盜被收外道認苾芻赤石
染服其言若今冒領賊賊言外道認苾芻赤石染
服知外道不以赤石染惟苾芻赤石染也宋趙汝
适諸番志周去非嶺外代答並云真臘僧有室家
者黃衣其寺居戒律精嚴者紅衣蒲甘僧則皆黃
衣蓋真臘兼二教蒲甘則黃教也元李志常西遊
記卷上云陰山後回紇二小城近鼈思城僧皆赭
衣則皆釋迦文派其緇衣者中國僧常服譯經者
就所見為存其名於經魔嬈亂經云剃頭沙門以
黑纏形海龍王經云世尊脫身阜衣分與諸龍願
歡夷夏論云剪髮緇衣羣夷之服皆以所見推之
四分律袈裟音義云此言赤血色衣其色濁赤然
則或言阜緇黑者以初譯時見濁赤也宏明集釋法
實之世名紅教為黑派亦以濁赤也
明云吳時衣黑衣宋書言文帝時慧琳道人孔顛
目為黑衣宰相北齊書上黨王煥傳云術士言亡
高者黑衣由是上出行不欲見沙門以僧衣黑故
也辨惑論云周祖以前忌黑齊宣欲誅稠禪師周

祖曰我名黑獺足以當之既入關中令僧衣黃西
陽雜俎又言北朝僧尼有白布法服青布袈裟是
漢西僧衣濁赤卽壞色紅衣其後中土僧有濁赤
卑緇黑青白宇文周時衣黃實皆紅教也明史烏
斯藏大寶法王傳云洪武五年十二月賜紅綺禪
衣及鞵帽是釋迦文以後明以前西土皆以紅教
爲正派其黃教自仍舊爲一派佛本行集經教化
兵將品布施竹園品並云忉利天帝釋化作梵志
身著黃衣左持澡瓶右持杖梵志爲第六佛婆羅
門種師嘗與第七佛爲難者侯鯖錄云唐末豫章
有觀音禪衲今天下皆謂黃袍爲觀音衲觀音深
入菩提爲持世之人與帝釋同願力曇摩竭譯觀
世音得大勢受記經云華德藏問他方菩薩何人
得此三昧佛言觀世音得大勢二大菩薩則觀世
音於第七佛爲他方本第六佛教亦依第七佛時
婆羅門依第七佛者皆體著袈裟獨觀世音黃服
或五色衣終不著袈裟故黃教入中國者觀音爲
始僧徒皆買買然也三國志烏丸等傳注引魚豢

魏畧云臨兒國浮屠身服色黃髮青如青絲乳毛
青爪赤如銅此言傜像其身服色黃服是衍文此
皆言身相不應及服舍利弗問經言有五部黃赤
阜木蘭青謂之五種律衣唐西域傳濫波國言集
衣爲禪黃赤不同則兼外道言之亦知五種各不
相入也那揭羅曷國言有佛損壞細氈袈裟其色
黃赤蓋年久不辨唐義淨南海寄歸內法傳著衣
法式云染作乾陀及或用地黃黃屑或復荆檠黃
等此皆宜以赤土赤石研汁和之或用棗心赤土
赤石土紫據此則西域唐時黃教以紅教福力強
盛其染黃者尙和以赤汁蓋黃教爲帝釋爲轉輪
聖王爲梵志爲魔剌利目之爲婆羅門四外魏譯
賢愚因緣經二梵志受齋緣品云波羅門受入齋
其婦曰君是梵志自有戒法緣何乃受異道之齋
當語諸梵志使驅擯汝不與會同唐譯須摩提女
經三摩竭經並云滿富城梵志求舍衛城阿那邠
邸女爲兒婦報曰種姓財貨足相儔匹但所事神
祠與我不同答曰我等所事自當別祠此女所事

別自供奉是紅黃二教別也曩無蘭譯佛說梵志
額波羅延問種尊經云婆羅門種初生時從口中
出今世人反從下出死乃上天是第七佛時娑羅
門不信剗利佛能上天也剗利之言爲田主取租
婆羅門正言爲婆羅賀摩舍衛貴種其前三佛
福力必有大勝之時當明永樂時宗喀巴喇嘛初
習紅教既深觀時數卽會衆自染黃帽其事與釋
迦文佛染濁赤色衣同宗喀巴乃觀世音分體之
光化生本性不昧常在輪迴神宗時河套諸部迎
宗喀巴派答賴喇嘛鎖南堅錯驪爾多斯喇嘛於
鷄木贊那拉至青海飲長生水部落數十萬無淫逞
者黃教遂顯紅教弱矣大集經云佛滅度後五百
歲解脫堅固五百歲禪定堅固五百歲多聞堅固
五百歲福德堅固五百歲門諍堅固佛以漢明帝
時滅度宗喀巴自立教而亦奉之鎖南堅錯與張
居正書自稱釋迦牟尼比丘邱正福德之限其事至
隱而甚顯魏書釋老志釋迦繼六佛而成道又言
將來有彌勒佛方繼釋迦而降世以彌勒之言屢

敗亂階見於史冊不知彌勒卽黃教與紅教異派
者也故特表之以杜流傳之妄僧徒或託言宗喀
巴爲文殊室利第五十四轉世西藏昭寺則以覺
釋迦末尼爲唐公主從媵皆愚鄙失實又禪悟逃
空則曰釋典微妙豈關紅黃不知尙白則殷王尙
赤則周王不關微妙也深識正慧惟釋迦文佛觀
世音菩薩宗喀巴喇
嘛三人者知之矣

王昶春融堂集美篤寺災記距小金川番巢三里

倚南山岡上有美篤寺蓋酋以居喇嘛喇嘛者華

言番僧喇嘛種有二由宗喀巴達賴喇嘛班禪額

爾得尼下者謂黃教由後藏多爾濟下者謂紅教

其言皆宗釋迦而紅教大率如長瓜梵志迦葉火

瓜

瓜

山言金

師之屬爲彼道中、外道番酋多尊信之故創寺爲
五重宏壯、雄麗翼以樓、頗與內地阿蘭若等今年
六月大軍自美諾歛兵出火其樓未燬、十一月初
四日收復美諾復燬之中夜火作其光若流虹其
爆若撒沙烟燄若雲霧蔽暄星斗祝融燦怒神鬼
焦爛百里之外番夷企踵呀駭歎驚自亥迄丑焚
畢或問于予火曷爲而作曰心火也心動欲生欲
動爭生爭怒不已因有刀兵之禍刀兵銳其口刻
其上咸火象也故離爲戈兵爲甲冑刀兵格鬪之

由

於

後繼之以火蕩爲冷烟寒灰靡有子遺、于是心之
火之禍始熄楚之兵焚阿房漢之兵燒漸臺類此
者于史以千百計故曰兵猶火也始于不自制其
心之火遂延于人民寨落而佛氏刹宇隨之雖番
夷之地其理有不易此者其可不怵然用此爲大
誠歟

姚瑩康輶紀行釋迦之未成道也歷五百劫皆苦
行勤修旣成佛入涅槃卽不肯再轉法輪將滅度
時文殊請如來再轉法輪如來曰咄文殊我說法

肉

四十九年豈嘗一轉法輪耶此如來之本旨也今
藏中達賴刺麻皆以轉世立法始自宗喀巴創興
黃教西域以迄蒙古諸部皆崇信之其法以當住
輪回不迷本性教化衆生然宗喀巴遺囑二弟子
亦止令達賴轉世六次班禪轉世七次而已今則
世世轉生不特達賴刺麻已十數輩其在後藏則
有班禪額爾德尼復有第穆呼圖克圖濟隴呼圖
克圖青海則有哲布尊丹巴呼圖克圖衛藏圖識
作額爾澤
卜尊巴胡乍雅察木多類伍齊二處亦各有呼圖
圖克圖

克圖皆以轉世爲教而在京師者則又有章嘉呼
圖克圖爲各呼圖克圖之首領焉考其名位則達
賴刺麻最尊班禪額爾德尼次之大呼圖克圖數
十而以哲布尊丹巴呼圖克圖爲第一章嘉呼圖
克圖次之濟隴第穆察木多乍雅類伍齊以次序
焉蒙古西域號呼圖克圖者尤衆何其多也蓋明
成祖所封八王亦卽此類乃世之人主爲之迥非
釋迦之教矣自哲布尊丹巴呼圖克圖及諸呼圖
克圖坐牀後多至前藏參禮達賴刺麻或禮班禪

迥

受大戒焉藏中參禮受戒必熬茶供僧衆大小招刺麻二三萬皆偏及之如中國之放齋者而達賴刺麻坐牀 上亦遣章嘉呼圖克圖至藏照料熬茶著爲例名秩尊卑森然不紊使殊方數萬里桀驁強狠之人知所羣奉爲活佛者咸聽命焉其在禮曰五方之民言語不通嗜欲不同修其教不易其俗齊其政不易其宜其此之謂歟 明初西蕃諸部族酋長沿元制無不奉佛爲僧而有妻子世襲洪武中西甯蕃僧三刺建佛刹于碾白南川以

居其衆來朝貢馬請勅護持賜寺額帝從所請賜額曰瞿曇寺立西甯僧綱司以三刺爲都綱司又立河州蕃漢二僧綱司並以蕃僧爲之紀以符契自是其徒爭建寺帝輒錫以嘉名賜勅護持蕃僧來者日衆永樂時諸衛僧戒行精勤者多授刺麻禪師灌頂國師之號有加至大國師西天佛子者悉給印許之世襲自是以後或由蕃僧而長其衆或本以酋長而得印勅封號不可復辨矣事詳明史此皆紅教所云世襲者皆傳其子不傳其徒亦

鮮子

非如黃教之轉世也刺麻二字當時以爲禪師名號本不甚尊崇至達賴刺麻乃加達賴二字于刺麻之上今爲蕃僧最大之稱而衆蕃僧仍皆名刺麻一如稱僧稱和尚耳甚矣禍福之念中人深也西蕃崇信刺麻非以其教之善謂其能禍福人耳乍雅呼圖克圖住裏塘數年蕃人見之數十步外卽五體投地匍匐蛇行而前倘呼圖克圖手摩其頂則大喜以爲佛降福也或病有憂者得之則以爲消災滅病矣或不驗亦惟自咎罪深重而

已尤可憫者謂呼圖克圖修行數世元陽不洩並其洩溺亦寶重之曰得其一滴服之可以延年治病蕃僧皆樓居男婦有持器終夜守其下以待者蕃僧亦自珍貴以瓶盛貯而蠟封其口非虔誠備禮求之不輕予嗟乎吾人聞此未有不笑其愚者豈知獻媚權門屈身昏夜得其咳唾以爲珠玉者亦何異於是哉 西藏賦注云明蕃僧宗喀巴名羅布藏札克巴生於永樂十五年丁酉幼而神異精通佛法號甲勒瓦宗喀巴在大雪山修苦行穆

隆經其所立也穆隆經者卽今之摩羅木也摩羅木譯言攢詔蓋達賴刺麻至大詔衆刺麻所誦經也宗喀巴初出家時學經於薩迦廟之呼圖克圖乃元時帕思巴之後爲紅帽教之宗宗喀巴修行旣成爲蕃衆所敬信衣紫衣相傳其受戒時染僧帽諸色不成惟黃色立成遂名爲黃教其教大行最盛於前藏今拉薩諸廟咸供奉其像余按泰庵此注本之布達拉經簿蓋刺麻之家譜也凡刺麻歷代源流事蹟無不具載亦時有續修各處刺麻

考

皆有之稽考前代必以經簿爲據和賦成於乾隆五十八年癸丑時爲駐藏大臣故得見之而經簿所載止及其時後無聞焉據此言之是黃教之先本亦出於紅教矣 經簿云達賴刺麻宗喀巴之大弟子也班禪額爾德尼宗喀巴之二弟子也頭輩達賴刺麻名根敦珠巴生於洪武二十四年辛未在喀那木薩喀木青熙饒巴處出家二十歲受大戒創建札什倫布廟誦穆倫經其時有博洞班禪在雪地修行聞名信附遂號根敦珠巴爲湯徹

人

答

清巴壽八十七歲

瑩按經簿前云宗喀巴生於永樂十五年丁酉此云達賴頭輩

生於洪武二十四年辛未是宗喀巴之生後於根敦珠巴二十七歲根敦珠巴二十歲受大戒時宗喀巴未生當是受之他師也第二輩名根敦嘉木磋生於明成

化十二年丙申

瑩按根敦珠巴生於洪武辛未年壽八十七歲則當死於成化十三年

年丁酉若十二年丙申其尚存足徵轉世之謬一創建羣科爾汪廟第三

輩名索諾木嘉木磋生於明嘉靖二十二年癸卯

親赴各蒙古地方布行黃教蒙古王等咸稱為達

賴刺麻班禪額爾達拉

按此與通志言合

明萬厯間封為

大國師

明史烏斯藏傳有僧瑣南堅錯者能知已往未來事稱活佛順義王俺答亦崇信之

萬厯七年以迎活佛為名西侵瓦刺為所敗此僧戒以好殺勸之東還庵亦勸此僧通中國乃自甘州遺書張居正自稱釋迦摩尼比丘求通貢饋以儀物居正不敢受聞之於朝帝命受之而許其貢由是中國亦知有活佛此僧有異術能服人諸蕃莫不從其教即大寶法王及闡化諸王亦皆俯首稱弟子自是西方只知奉此僧諸蕃王徒擁虛位不復能施其號令矣余按明史所云瑣南堅錯即經簿所云第三輩索諾木嘉木磋也瑣南即索諾木之譯音堅錯即嘉木錯之譯音也經簿所云嘉靖二十二年親赴各蒙古行黃教蒙古咸稱為達賴刺麻班禪額爾達拉蒙古王即俺答矣又云萬厯間封為大國師蓋即神宗許其通貢時事明史漏載爾此其說之有徵者也

第四輩名雲丹嘉木磋生於明萬厯十七年己丑生蒙古

地方敬格爾家十五歲至藏在噶勒丹寺坐臺之

桑結仁慶處出家班禪羅卜藏曲津處受大戒萬
厯間封爲沙布達多爾濟桑結能驅邪逐崇會於
石上踏留足印第五輩名阿旺羅卜藏嘉木磋明
萬厯四十五年生於前藏崇結薩爾台王家其生
之日與釋迦牟尼佛同在班禪羅卜藏曲津處出
家受大戒國朝崇德七年達賴刺麻同班禪刺
麻差烏巴什台吉達盛京進貢約行善事順治元
年達賴刺麻差人進貢九年入覲世祖章皇帝
賜居黃寺封爲掌天下黃教西方自在佛足墨多

崇

按此書

爾濟嘉木磋刺麻金冊十五頁第六輩名羅卜藏
林沁倉洋嘉木磋康熙二十二年生於蒙巴拉沃
松地方按通志康熙四十四年因拉藏汗請以阿
王伊西爲達賴刺麻疑卽此人第七輩名羅布藏
噶勒桑嘉木磋康熙四十七年生於裏塘地方在
察漢諾們罕家出家之卽圖識所云噶爾藏嘉
慕也十三歲康熙五十九年賜達賴刺麻名號
統領黃教勅金印雍正二年賜西方湯徹清
巴巴木載達賴刺麻掌天下釋教金冊金印第八

文自當以經
通為準
家世守冊文
宜其有據
今貢表所稱
禪

輩名羅藏丹碑旺楚克江巴爾嘉木磋乾隆二十

三年戊寅生於後藏托結地方按此言達賴封號與通志及衛藏圖

未用當以經簿為準僧識又有同異外人未見冊其有據今貢表所稱似家世守冊文也

也後又云班禪第一輩名刻珠尼瑪綽爾濟伽勒

布格爾生於明正統十年乙丑按頭輩達賴刺麻根敦珠巴是時年

五十五歲前云有博洞班禪在雪地修行聞名信附計其修行信附至早亦二十餘歲則根敦珠巴

亦將八十歲矣宗喀巴生於永樂十五年丁酉至正統乙丑年二十九歲頭輩班禪為其第二弟子

年歲近之惟前云博洞班第二輩名珠拜旺曲索人名與此不同何耶

諾木綽爾濟朗布生年缺第三輩名結珠拜旺曲

羅布藏敦玉珠巴生明宏治十八年乙丑第四輩

名班禪羅卜藏綽爾濟嘉勒參生於明隆慶元年

丁卯 國朝崇德七年遣使進貢 太宗文皇帝

詔令班禪達賴二人內年少者拜年長者為師學

習經典壽九十六歲按藏中至今達賴班禪轉世皆互為師弟蓋始於此第

五輩名班禪羅布藏伊喜生於康熙二年癸卯五

十二年 賜金冊印注明札什倫布各廟宇地方

屬班禪管理第六輩名班禪哲布尊巴勒丹伊喜

生於乾隆三年戊午三十年 賜金冊四十五年

賜四

入觀 賦 體字玉冊玉印第七輩生於乾隆四

十七年壬寅 經簿所記未著其人名 蓋其時現在故諱之 乾隆五十

六年辛亥廓爾喀侵後藏七月據聶拉木濟隴八

月班禪移住前藏九月賊入札什倫布掠財物以

歸大兵平賊後五十七年壬子五月班禪仍還札

什倫布余謂達賴刺麻受四方供獻珍異之寶積

富久矣廓爾喀利其所有故取之班禪能舍而予

之是也昔張初昌受囑夜懷刀入室將害六祖祖

置金與衣於方丈張揮刀者三都無所損祖曰正

劍不邪邪劍不正只負汝金不負汝命張驚仆求

哀祖與金而去卽此義也達賴亦以避兵移床非

惟道有魔劫亦物忌太盛理宜然耳佛豈能違天

道乎 和泰庵云梵書言天下普陀山有三一在

額納特克國南海中山上有石天宮乃觀自在菩

薩游舍處此真普陀也一在浙江定海縣南海中

善財第二十參觀音菩薩處一在圖伯特之布

達拉亦觀音菩薩化現處余按泰菴此說亦本康

熙 上諭圖伯特卽唐古特布達與普陀音相近

為

特謂

也唐古詳釋迦牟尼佛曰沙迦吐巴綽爾濟乃通經典者稱之俗曰曲結謂觀音菩薩曰江來孜格陀羅尼 圖識云多爾吉拔姆宮在羊卓白地海中山上寺極宏麗有瀛洲蓬島之勝寺中乃女呼圖克圖多爾吉拔姆所居云北斗之精化生昔磔巴三節亂藏時化猪遁去藏地呼猪曰拔菽磔巴即第巴事在康熙四十年間爾濟奈覺爾女呼圖克圖疑即此人 嗟呼人情不甚相遠也雖異域豈有殊耶夫佛法精深上智

故名

本教導子馬

猶難盡識寂滅之說欲以化蠢之蕃民其誰信從之乎人莫不有好惡好莫如生惡莫如死生矣則更求其福而樂也死矣則又懼其罪而苦也釋氏深有觀乎民情非徒清淨寂滅所能動其信從也於是莊嚴色相使民崇敬而不敢褻更炫之以富貴生其歆羨之心以為從我者如是之福可極樂也不惟此生樂之且生生世世樂之雖中智亦欣慕焉况愚蠢乎猶恐人見佛之死不見其生疑為妄也更為轉世以示其蹟民曰佛果轉世而

而巴

有福如是也欲不堅其信得乎至於死後之事民
不得而見也則告之以地獄果報神鬼夜叉兇惡
慘酷以怵其心復示之變相以駭其目雖君子亦
有戒心况小人乎宋以前古佛諸祖雖有三生之
說佛經亦但云歷劫而已宗喀巴出乃實其事確
與否吾不得而知然西域蒙古二萬里人皆信服
而心悅之數百年矣雖聖帝明王威德及於遐荒
不能不藉其教以化凶頑而安邊徼此豈尋常智
識所能及哉觀於西藏聽民以百戲相悅與中國

奏

無異凡所以宣滯導和鼓舞人心使皆熙熙皞皞
遊於光天化日而不爲亂也意深哉雖非古佛之
制而古佛之所許也昔明太祖既定天下思以銷
兵革之氣於金陵設十四樓出官錢賁酒食實以
官妓接待四方之士而草澤英雄之氣遂以潛消
帝王大畧如此雖儒者之所譏非通智之所善歟
宗喀巴者其雄傑豈在諸祖之下哉理藩院請
修呼圖克圖刺麻源流冊其奉畧曰國家統一寰
宇凡藏衛西甯之唐古忒呼圖克圖刺麻內外札

世目

白

薩克各旂之蒙古呼圖克圖刺麻向化輸誠或以功績優著或因經典深通歷賞職名冊勅印信其銜有呼圖克圖那門汗班第達綽爾濟之次序其號有國師禪師之分冊印或玉或銀或鍍金各視其職銜名號大小爲定其圓寂轉世溯查遠年漫無規制遇有報出呼畢勒罕者但憑西藏唐古忒刺麻吹忠辨認是非乾隆五十八年定制於雍和宮暨西藏各設金瓶蒙古所出呼畢勒罕由雍和宮籤名入掣唐古忒出呼畢勒罕由西藏大

臣籤名入掣達賴刺麻等俗家不得入掣凡駐札前後藏之唐古忒刺麻達賴刺麻班禪額爾德尼西甯之唐古忒刺麻章嘉呼圖克圖內外札薩克所屬之蒙古刺麻哲布尊丹巴呼圖克圖等共一百四十七名彙爲一冊原有勅印可憑者準其補入轉世冊檔無名者悉不準其轉世立法至美且備惟後來奉行未善致雖有勅印而生前未及補入冊檔者有之或轉世後前輩確有勅印而碍於冊檔無名不能補入者有之又或憑其勅印奏準

入冊而但於稿內聲明又或冊檔空列人名并無
事跡可稽至於其人名下圓寂轉世地方年月僅
載一輩其後垂今六十年未嘗修辦前此臣院查
出吉勒圖堪尼爾德蒙額那門汗暨有勅印以遺
漏入檔致圓寂後轉世將其勅印追銷不準轉世
又四川咨查乍雅呼圖克圖早經入瓶籤掣而實
未入檔俱已隨時更正雖覺範與政體難以相提
併論要必準情酌理有所依據若不及蚤修輯遇
事憑何信守臣等酌議揀例案較熟司官數員請

旨派章嘉呼圖克圖會辦詳查原冊定出規條分
別應裁應留應補就平日調到各處文冊核對仍
飛行前後藏西甯內外札薩克另造全冊送院以
免遺漏 紅教刺麻有法術能咒刀入石復屈而
結之又能爲風雪役鬼神非虛也然自屈服於黃
教蓋黃教惟講誦經典習靜禪坐不爲幻法而諸
邪不能侵之故蕃人雖愚其敬黃教尤在紅教之
上此佛圖澄所以不如鳩摩羅什而鳩摩羅什又
不如達摩也然藏中達賴刺麻及班禪額爾德尼

構

僅以清心無漏爲轉世法他無異處其轉世亦在可知不可知之間如來上乘似不爾也駐藏大臣以那門汗阿旺札布巴勒楚勒齊木不法革遣之達賴尙幼訪於班禪以成其獄失蕃人心及班禪返後藏蕃人敬禮大衰班禪泣而悔之乍雅大二呼圖克圖旣以兵結訟類伍齊之大二呼圖克圖亦以爭權不睦西方之教不亦衰甚矣乎

姚瑩識小錄察木多南通雲南東北連德爾濟部落自正土司外有大小頭目百數人戶萬餘亦強

悍其部有紅教刺麻日色多呼圖克圖者衆所服也而最敬者則爲札什倫布以西之薩迦呼圖克圖相傳明永樂時有宗喀巴者爲黃教之祖生自西甯而學經於薩迦廟廟內舊貯經卷最多其經一如黃教所有僧衆亦如黃教無家室惟薩迦呼圖克圖有之朔望一相見爲生子襲衣鉢計蓋卽元之帕斯巴刺麻也其徒云所有經典皆始自甲噶爾卽大西天大西天有巴特瑪薩木巴瓦者是爲紅教之祖唐時來藏傳教其經與黃教無異或

云惟咒不同兼尚法術蓋敬薩迦者非獨德爾格
卽打箭爐裏塘巴塘類烏齊諸部雖崇奉達賴班
禪而心信薩迦者多至青海蒙古亦敬之如敬達
賴也乾隆五十四年駐藏大臣舒公濂嘗奏言薩
迦本同黃教松公云余嘗密訪紅教之實初無法
術僅供奉巴特瑪薩木巴瓦處誦護法經咒而已
蓋法術本屬妄誕聖人神道設教不過因俗羈縻
之耳

魏源聖武記太宗諭諸貝勒曰蒙古諸貝勒舍其

本國之語名號俱學刺麻致國勢衰微當以爲戒
高宗亦言我滿洲以騎射國語爲根本苟必欲
如漢人之文義蒙古之經典則非殫十餘載之力
不能尙何暇精騎射習武備乎此皆 訐謨遠慮
垂範百王然蒙古衰弱中國之利也以黃教柔馴
蒙古中國之上計也卽爲蒙古計與其爲匈奴突
厥之馮陵飄忽九邊枕鋒鏑原野厭膏血何如水
草寢訛休養生息是則以慈悲銷殺伐以因果導
獷狠宗喀巴之功中外華夷實利賴之且蒙古敬

信黃教實始於俺答俺答之佞佛由於其妻三娘子而中國大臣高拱張居正王崇古張弛駕馭因勢推移不獨明塞息五十年之烽燧且本朝開二百年之太平仁人利溥民到於今受其賜故馭夷得其情可使鴟音化泮林中孚格蠻貊有能借耶穌罪福之教以杜西夷鴉煙之毒者乎是有待於高張之相與鑑川之督撫

姚鼐曰自前後藏東至裏塘司其地者皆以僧與民長雜治之而僧尤重在前藏者曰達賴喇嘛在

後藏者曰班禪喇嘛此其尤尊者呼曰胡土克圖胡土克圖者師也其弟子曰班弟班弟所任職曰倉儲巴者主其財任其煩事其分居他部爲喇嘛之長曰堪布而民長曰碟巴又有堪布兼碟巴者蓋西夷所敬惟僧也喇嘛者皆於佛法修夙命通死而不知所往生之所然亦間有死而失其通者其班弟輒諱之迎民間子擇其慧者一人以謂卽其先師曰先師受生數十餘世矣而猶一人也其寺宇極華盛然禁婦女入甚嚴胡土克圖出則班弟

驅少婦不使見蓋恐其心亂而失道乾隆四十五年 高宗壽八十班禪自後藏來覲爲祝 上禮敬之甚隆而西山一僧直至其前斥責甚厲以謂入中國見繁麗盛美非其宜也班禪聞而伏首媿服之甚未幾果死於京師不能言所往生其後後藏猶立所謂班禪者而實迎異人子當之而已

書